

Ժողովուրդ

62
(2728)

28 ապրիլի ուրբաթ 2023
տպագրության ԺԲ տարի

✉ ք. Երևան, Արմավյան 22ա/3 (0010) ☎ +374 10 546423 @ info.armlur@gmail.com, info.zhoghovurd@gmail.com

100 դրամ

ԱՐՑԱԽՈՒՄ ՃԱԿԱՏՆԵՐ ԵՆ ՉԵՎԱՎՈՐՎԵԼ



Արցախում, անվտանգային խնդիրներին զուգահեռ, ներքաղաքական կյանքը եւս լարված է:

«Ժողովուրդ» օրաթերթն Արցախի իր աղբյուրներից տեղեկացավ, որ այս օրերին Արցախում ձեռավորվել է երեք ճակատ՝ Արայիկ Հարությունյան-Սամվել Բաբայան-Ռուբեն Վարդանյան:

Մեր տեղեկություններով՝ վերջիններս գրեթե ամենօրյա ռեժիմով հանդիպումներ են ունենում տարբեր քաղաքական ուժերի, քաղաքացիների հետ, այլ կերպ ասած՝ փորձում են իրենց դիրքերն ամրացնել ու ամուր հենարան ստեղծել իրենց համար Արցախում: Թե որն է անվտանգային նման ծայրահեղ իրավիճակում ներքաղաքական լարումների պատճառը, շատ արցախցիների համար դեռ պարզ չէ:

Մեր աղբյուրների փոխանցմամբ՝ այս առումով առավել ակտիվ է հատկապես Սամվել Բաբայանը:

«Ժողովուրդ» օրաթերթը որոշ ժամանակ առաջ գրել էր, որ վերջինիս մոտ նախընտրական տրամադրություն է շտաբներ է ձեռավորում, տարբեր ֆորմատներով հանդիպումներ է ունենում քաղաքացիների եւ քաղաքական շրջանակների հետ:

Մեզ տեղեկացրին նաեւ, որ Բաբայանն անգամ քաղաքացիներին փողոց դուրս գալու կոչեր է անում: Նա Արցախում ինչ-որ պաշտոն ստանալու անհագուրդ ցանկություն ունի, թեեւ, ինչպես մեզ վստահեցրին, Արցախում Սամվել Բաբայանի նկրտումներին այնքան էլ լուրջ չեն վերաբերվում. հավանական չեն համարում, որ Արայիկ Հարությունյանը նրան որեւէ պաշտոնի տրոհ կնշանակի:

Վաղը՝ ապրիլի 29-ին, գործող իշխանությունների կողմից տոն հռչակված Քաղաքացու օրն է: Դեռեւս 2019թ.-ին Ազգային ժողովը ընդունեց Կառավարության առաջարկած «Տոների եւ հիշատակի օրերի մասին» օրենքում լրացում կատարելու մասին» օրինագիծը, որով ապրիլի վերջին շաբաթ օրը սահմանվեց որպես Քաղաքացու օր: Հետաքրքրական է, որ Քաղաքացու օրը այս տարիների ընթացքում միայն մեկ անգամ 2019 թվականին է նշվել. այդ օրը Նիկոլ Փաշինյանը եւ մյուս պաշտոնյաները փակել էին Երևանի մի շարք կենտրոնական փողոցներ եւ խորոված-փարֆի էին կազմակերպել: 2019թ.-ից հետո Նիկոլ Փաշինյանի թիմակիցներն իրենք են մոռացել իրենց հռչակած տոնի մասին եւ իրենց թույլ են տալիս թեթև քաղաքացու դեմքին Երևանի կենտրոնում կամ սպառնում են կտրել մարդկանց ականջներն ու լեզուն, ինչպես ԶՊ խմբակցության քարտուղար Արթուր Հովհաննիսյանը: Հիշեցնենք, որ 2020թ.-ին Քաղաքացու օրը չնշվեց համավարակի պատճառով, իսկ 2021թ.-ին՝ պատերազմի: «Ժողովուրդ» օրաթերթը տեղեկացավ, որ այս տարի այն կրկին մեծ շուքով կնշվի: Այսպիսով, ԿԳՄՍ նախարարությունից տեղեկացանք, որ այդ օրը բոլոր մարզերում եւ Երևան քաղաքի տարբեր վարչական շրջաններում ընդհանուր առմամբ 66 համայնքում կկազմակերպվեն միջոցառումներ: Միջոցառումները բաղկացած են 2 մասից՝ բանախոսություն եւ մշակութային միջոցառում: «Ժողովուրդ» օրաթերթը ԶՊ խմբակցության պատգամավորներից տեղեկացավ, որ պատգամավորներն անձամբ կմասնակցեն այդ միջոցառումներին, կմեկնեն մարզեր կամ Երևանում կլինեն՝ ըստ ցանկության: Տեղեկացանք, որ Նիկոլ Փաշինյանը եւս մասնակցելու է Քաղաքացու օրվան նվիրված միջոցառումներին, բայց թե որտեղ, կառավարությունից ասացին, որ դեռեւս հստակեցված չէ: Երեւի թե միջադեպերից խուսափելու համար Փաշինյանի գտնվելու վայրը նախապես չեն ասում:



«Ժողովուրդ» օրաթերթի տեղեկությունների համաձայն՝ «Մարտի 1»-ի գործով նոր փորձաքննություններ են նշանակվել: Ավելին՝ գործով անցնող մեղադրյալներից շատերը երեկ գնացել են Հակակոռուպցիոն կոմիտե՝ հասկանալու, թե այդ ինչ նոր փորձաքննություններ են նշանակվել, ում կողմից եւ ինչ հիմքերով: Հիշեցնենք, որ ՀՀ գլխավոր դատախազ Աննա Վարդապետյանը «Մարտի 1»-ի գործով դիմել է Հակակոռուպցիոն կոմիտեի ղեկավար Սատուկ Խաչատրյանին: Աժ պետապաշտպանական հարցերի մշտական հանձնաժողովի նիստում նա ասել էր. ««Մարտի 1»-ի գործը մոտ 800 հատոր է: Վերջերս Հակակոռուպցիոն կոմիտեի նախագահին դիմել եմ խնդրանքով՝ ձեռավորել քննչական խումբ, որովհետեւ մեկ քննիչի աշխատանքի ծավալի մեջ սա հնարավոր չէ տեղավորել»: Վարդապետյանն ասել էր նաեւ, որ դատախազական հսկողություն կիրականացվի, եւ այդ գործը դրվազ առ դրվազ կուսումնասիրվի: Նկատենք, որ նորանշանակ դատախազը նշանակվելուց հետո անգամ փոխել էր գործը հսկող դատախազին, սակայն «Մարտի 1»-ի գործը այդպես էլ մնում է չբացահայտված 15 տարի անց: Հակակոռուպցիոն կոմիտեն մեկը մյուսի հետեւից կարծում է «Մարտի 1»-ի գործերը՝ վաղեմության հիմքով, եւ դեռ ավելին՝ մինչ օրս հայտնի չէ, թե ով այդ օրը սպանեց 10 քաղաքացիներին Երևան քաղաքի կենտրոնում: Տեսնեք, թե ինչ կտան այս նոր փորձաքննությունները:



«Ժողովուրդ» օրաթերթը պաշտոնական աղբյուրներից տեղեկացավ, որ 2023 թվականի առաջին եռամսյակի տվյալներով՝ Հայաստանի ամենախոշոր հարկատուսն «Գազարոմ Արմենիա»-ն է: Այս ընկերությունը վճարել է մոտ 21 միլիարդ դրամի հարկ: Չանգեզուրի պղնձամուլիբդենային կոմբինատն այս անգամ գիջել է դիրքերը եւ պետություն վճարել է 35,4 միլիարդ դրամ հարկ: Կոմբինատի հարկերը այս տարվա առաջին եռամսյակում կազմել են 15,4 միլիարդ: Վճարած հարկերն ավելացրել է նաեւ «Գրանդ տորբակո»-ն՝ 7,8 միլիարդից հասցնելով 11,6 միլիարդի: Հարկերն ավելացրել է նաեւ «Ինտերնեյշնլ Մասիս տաբակ»-ը. ընկերությունը 2023-ի հունվար-մարտին բյուջե է վճարել 7,2 միլիարդ դրամ: Հարկերի ծավալով աճ է գրանցել «Ալբա» բանկը: Ընկերությունը, նախորդ տարվա նույն ժամանակահատվածի համեմատ, մոտ 7 անգամ ավելի հարկ է վճարել (7,1 միլիարդ դրամ): Մոբայլ սենթր արթ» ընկերությունը, որը զբաղվում է հեռախոսների վաճառքով, 2022-ի առաջին 3 ամիսներին վճարել էր մոտ 1,3 միլիարդ դրամի հարկեր: Հեռահաղորդակցության օպերատորներից էականորեն հարկերն ավելացրել է «Յուլբոմ»-ը. եթե 2022-ի առաջին եռամսյակում ընկերությունը վճարել էր 2,4 միլիարդի հարկեր, այժմ այդ թիվը կազմել է 3,4 միլիարդը: Ըստ ՊԵԿ-ի տվյալների՝ 1000 խոշոր հարկատուները միասին վճարել են 381 միլիարդ դրամ:



ՀԱՆՈՒՆ ՓՐԿՈՒԹՅԱՆ

ԱՐՑԱԽԸ ՊԵՏՔ Է ԴԻՄԻ ԱՇԽԱՐՀԻՆ

«ժողովուրդ» օրաթերթն Արցախում ստեղծված իրավիճակի վերաբերյալ գրուցել է ՊԱՍ դասնության ինստիտուտի սեփական Սեյֆուլլահյանի հետ:

-Պարոն Սեյֆուլլահյան, Արցախում ճգնաժամը գնալով խորանում է: Ապրիլի 23-ից Ադրբեջանն արդեն ամբողջական շրջափակել է Արցախը: Ի՞նչ զարգացումներ եք կանխատեսում, ո՞ր դեպքում հակառակորդը զիջումների կզնայ:

-Ամբողջ խնդիրն այն է, որ նման լուրջ խնդիրներ լուծելու համար դու, նախ, պետք է լինես գործոն: Մենք բողոքում ենք, որ մեր դաշնակից Ռուսաստանը ոչ միայն անտեսում է, այլ շատ դեպքերում ուղղակիորեն պաշտպանում է Ադրբեջանին, դժգոհում ենք, որ Արեւմուտքը դիտորդներ է ուղարկել, բայց դիտորդների աշխատանքը չենք տեսնում, ռազմական աջակցության մասին, առհասարակ, խոսք լինել չի կարող, բայց մենք առաջին հերթին պետք է մտածենք մեր ռազմական կարողություններն ուժեղացնելու մասին: Դու ինքդ նախ պետք է լինես գործոն, հետո մյուսները կգան ու կկանգնեն քո կողքին: Մենք պետք է ձերբազատվենք այն մտքից, որ ինչ-որ մեկը մեր փոխարեն պետք է մեր խնդիրները լուծի. այդպես չէ: 90-ականների արցախյան պատերազմից հետո, երբ Հայաստանը հաղթանակներ տոնեց, բնականաբար, դարձավ գործոն տարածաշրջանում: Մենք հայտարարում էինք, որ տարածաշրջանում եղանակ ստեղծող երկիր ենք. դա իր խոսքն ասում էր նաև դիվա-նագիտական ճակատում, շատ հարցեր էինք կարողանում լուծել: Բայց 44-օրյա պատերազմից հետո վիճակը փոխվել է, եւ մենք, մեղմ ասած, նահանջել ենք: Կարծում եմ, որ առաջին հերթին պետք է դառնանք գործոն ու մեր պաշտպանունակությունը մեծացնենք: Պետք է հոգեբանորեն ձերբազատվենք այն մտքից, որ մենք դատապարտված ենք եւ որեւէ խնդիր չենք կարող լուծել. բացարձակապես այդպես չէ: Պետք է հասկանանք, որ ազգային խնդիր ունենք կատարելու, չպետք է խնդիրը բերենք, հասցնենք Սարդարապատի:

-Պարոն Սեյֆուլլահյան, իշխանության ներկայացուցիչները խոսում են միայն Արցախում բնակվող հայ բնակչության անվ-



տանգության երաշխիքների մասին, բայց խոսք չկա ինքնորոշման իրավունքի մասին, ինքնորոշման հարցը կարծես երկրորդական է դարձել արդեն:

-Այսօր ոչ ոք իրատեսական չի համարում, որ Արցախի ճանաչման հարցով որեւէ հարց կարվի: Մի պահ խոսվում էր, որ հանուն Արցախի փրկության պետք է դիմել աշխարհին, որպեսզի լինի անջատում հանուն փրկության, քանի որ որեւէ մեկը չէր կասկածում, որ հայ ժողովուրդը ցեղասպանության լուրջ վտանգի առաջ է կանգնած: Իմ անձնական կարծիքն այն է, որ Արցախի Աժ-ն պետք է դիմի աշխարհին եւ ակնկալի Արցախի ճանաչում: Արցախը պետք է դիմի աշխարհին անկախության ճանաչման հարցով՝ հանուն

փրկության եւ նոր ցեղասպանության բացառման:

-Պարոն Սեյֆուլլահյան, Հայաստանի վարչապետը պարբերաբար կրկնում է այն թեզը, թե Մադրիդյան սկզբունքներով Հայաստանն Արցախը ճանաչել է Ադրբեջանի մաս: Այս մասին ի՞նչ կասեք, արդյոք բանակցային հետազգ գործընթացին չի վնասում նա:

-Հայկական կողմը միշտ էլ պահանջել է, որ Ադրբեջանին տարածքների վերադարձի դիմաց տեղի ունենա Արցախի կարգավիճակի ճանաչում. ամբողջ մեխը դա է եղել բանակցությունների: Ասել, թե Մադրիդյան սկզբունքներով Արցախի կարգավիճակի հարցը մերժվել է, այդպես չէ:

Հրույցը ԶՐՄՍԻՆԵ ՍՈՒՇԵՂՅԱՆԸ

ԺԱՌԱՆԳՈՒԹՅԱՆ ՀԱՐՑԸ՝ ԳԱՏԱՐԱՆՈՒՄ

Այս տարվա հունվարի 31-ին Աժ նախկին պատգամավոր Վերսանդ Հակոբյանի որդին՝ Կարեն Հակոբյանը, դատական հայց էր ներկայացրել Երեւանի շամայն-գինիների գործարանի կառավարմամբ զբաղվող հորեղբոր՝ Յրայր Հակոբյանի դեմ: «Ժողովուրդ» օրաթերթը դատական տեղեկատվական համակարգից տեղեկացել էր, որ 2022 թվականի դեկտեմբերի 22-ին Վերսանդիկ Հակոբյանի որդին՝ Կարեն Հակոբյանը, քաղաքացիական դատարանում հորեղբոր դեմ հայց է ներկայացրել՝ պահանջելով, որ ժառանգական գույք (շինություններ, ունեցվածք, բիզնես եւ այլն) ճանաչեն որպես այդպիսին: Նկատենք, որ դատարանը գործն ընդունել է վարույթ: «Ժողովուրդ» օրաթերթն այս առիթով գրուցել էր նաև Յրայր Հակոբյանի հետ՝ հասկանալու համար, թե նա ինչ խնդիրներ ունի իր եղբոր որդիների հետ, որ գործը ճաստել է դատարան: Ի պատասխան՝ Յրայր Հակոբյանն ասել էր. «Դրանում որեւէ բան չկա, ժառանգության հետ է կապված: Օրն ելել է, ամեն ինչ ընթացքով կլուծվի: Կռիվ-մռիվ չէ, իրար չենք խփում, որեւէ խնդիր չունենք. եթե լինի, Ձեզ տեղյակ կպահենք»: Իսկ, ահա, Աժ նախկին պատգամավորի որդի Արմեն Հակոբյանը հայտնել էր. «Ես կնշեմ ընդամենը, որ Յրայր Հակոբյանը մեր հոր մահից մի քանի ամիս անց, առանց մեզ տեղեկացնելու, վաճառել է 90-ականներից Հակոբյանների ընտանիքի սիմվոլ դարձած «Ոսկե ձկնիկ» ռեստորանային համալիրը: Հասարակությունը լավ գիտի, որ հայրս եւ իր եղբայրը միասին են հիմնել իրենց բիզնեսները, հետեւաբար արտադրային իրավիճակի մեջ ենք հայտնվել: Փաստացի ոչ միայն զրկվեցինք գույքից, այլև անտեսվեցին մեր հոր՝ Վերսանդ Հակոբյանի ահռելի ներդրումն ու ջանքերը: Այսքանը»: Այսպիսով, երեկ «Ժողովուրդ» օրաթերթը արձանագրել է, որ Աժ նախկին պատգամավոր Վերսանդիկ Հակոբյանի որդիները էրեբունի դատարանում են. ինչով կավարտվի այս դատական վեճը՝ կիմանանք՝ հետեւելով զարգացումներին:



ՏԵԽՆԻԿԱՆ ՀՆԱՅԵԼ Է

32 ՄԼՆ ԴԻՄԱՄ՝ ՆԱԽԱԳԱՐՀԻ ԱՇԽԱՏԱԿԱՋՄԻՆ

Կառավարության երեկվա նիստում նախագահ Վահագն Խաչատրյանի աշխատակազմին հասկացվեց 32 մլն դրամ: Այստեղ ուսագրավը գումարի անհրաժեշտության մասին հիմնավորումներն են: Այսպես, հիմնավորման մեջ ներկայացված է, որ հանրառայության նախագահի աշխատակազմի կողմից Երևանի քաղաքում գործարարության հանրառայության նախագահի աշխատակազմին իր գործառնությունների իրականացման ընթացքում հանդիպում է խնդիրների:

Ավելին՝ նշվում է, որ նախագահի եւ հանրապետության նախագահի աշխատակազմի գործունեության լուսաբանման համար անհրաժեշտ տեխնիկական հնացած է եւ չի ապահովում լուսանկարահանման,

տեսանկարահանման եւ մուտաժման բավարարողական չափանիշներ:

Լուրջ խնդիրներ են ծագել համակարգչային ցանցի եւ առնչվող սարքավորումների հետ, մասնավորապես՝ սերվերներից մեկը ծանրաբեռնվածության պատճառով խափանվել է (2012 թվականի արտադրության է), որի վերանորոգումը բարդ, ծախսատար եւ ոչ նպատակահարմար է: Եվ, ահա, այս ամենը նորացնելու համար 32 մլն դրամ է անհրաժեշտ:

Այստեղ, ամեն դեպքում, հետաքրքիր է, որ մեկ տարուց ավելի է անցել, ինչ Վահագն Խաչատրյանը ընտրվել է ՀՀ նախագահ, սակայն նրա գործունեությունից հասարակ քաղաքացիները շատ քիչ բան կարող են հիշել, իսկ հիշվողներն էլ ամենեւին Խաչատրյանի օգտին չեն: Եվ այսպես, նրա պաշտոնավարման մեկ-նարկից հետո Հայաստանը կրկին դժվարություններ է ունեցել՝ սեպտեմբերյան ագրեսիա, Լաչինի միջանցքի փակում եւ այլն, սակայն այդ իրադարձությունների

ժամանակ, որպես երկրի նախագահ, նրա աշխատանքի արդյունքը չի զգացվել: Միակ բանը, որով թերեւս կարող ենք հիշել Վահագն Խաչատրյանի պաշտոնավարման մեկ տարին, սկանդալն էր, որում նա հայտնվեց նախորդ տարվա սեպտեմբերին:

Խոսքը դրվագի մասին է, երբ Խաչատրյանը Մեծ Բրիտանիայի թագուհի Եղիսաբեթ Երկրորդի դազադի մոտ լուսանկարվել էր, մի վայրում, որտեղ լուսանկարվելն արգելված է: Հոդվածներում նշվում էր, որ նա ոչ միայն լուսանկարվել է, այլև բարձր շատախոսել է՝ առաջացնելով ներկաների զարմանք: Իհարկե, մյուս կարեւոր գործունեությունն էլ վարչապետ Նիկոլ Փաշինյանին քննելու մեջ է:

Ահա թե ինչպես կարելի է ամփոփել այն գործունեությունը, որ նա կատարել է մեկ տարուց ավելի, եւ, փաստորեն, այս ամենը ներկայացնելու համար 32 մլն դրամ է պետք:

ՆԱԻՐԱ ՀՈԿՅԱՆՆԻՍՅԱՆ

ԻՐԱՎԻՃԱԿ

ՂԱՐԱԲԱՂ

ՓԱՍՏԱՆԿԱՎԱՔ ԱՌԱՔԵԼՈՒԹՅՈՒՆ Է ՊԵՏՔ

ՊԵՏԱԿԱՆ ՊԱՐՏՔ

ՀՀ կառավարության պարտքը 2022-ի դեկտեմբերի 31-ի դրությամբ կազմել է 3 տրիլիոն 969 միլիարդ դրամ կամ 10 միլիարդ 86 միլիոն դոլար: Վարչապետ Նիկոլ Փաշինյանը երեկ՝ կառավարության նիստին, հայտարարեց, թե սա հանրության համար հետաքրքիր ու զգայուն թեմա է: «Մարդիկ ասում են՝ վա՛յ, 10 միլիարդ դոլար պարտք ունենք: Մենք պետք է մեր քաղաքացիներին ի ցույց դնենք, որ, մեր ՀՆԱ-ի համեմատ, շատ թեթև պարտք ունենք: Ըստ էության, 46 տոկոսով Հայաստանը համարվում է թեթև պարտքային բեռ ունեցող երկիր. այս տրամաբանությամբ մենք պետք է նայենք, որովհետև երկրները դասակարգվում են թեթև, միջին ու մեծ պարտք ունեցող երկրների: Հայաստանը, իր տնտեսական աճի շնորհիվ, դասվում է թեթև պարտք ունեցողների շարքում»,- կառավարության նիստին նշեց Փաշինյանը:

Սակայն ֆիքսենք, որ Հայաստանի կառավարության պետական պարտքը 2020 թվականից հատել է կարմիր գծի շեմն ու խախտել հարկաբյուջետային ոսկե կանոնը՝ գերազանցելով ՀՆԱ-ի նկատմամբ 60%-ի շեմը. այն 63.5% է: Դա դեֆոլտ չէ, սակայն հետագա տարիների բյուջեները պլանավորելիս Կառավարությունը պարտավորվել է աստիճանաբար նվազեցնել Կառավարության պարտք/ՀՆԱ ցուցանիշը:

2021-ին այն կազմել է 60.3%: Ֆինանսների նախարարությունը կանխատեսում է, որ 2022-ի տարեվերջին այն 51% կկազմի:

Առհասարակ, վերջին տասը տարում Հայաստանի պետական պարտքը աճել է 2.4 անգամ:

ԱՐԱՐԱՏ ՄԻՐՁՈՅԱՆԻ ԳՈՐԾԸ

ArmLur.am-ին հայտնի դարձավ, որ Արա Բաղդոյանին մեղադրանք է առաջադրվել այն բանի համար, որ նա 2020 թվականի սեպտեմբերի 27-ին՝ Արդրեջանի Հանրապետության կողմից Արցախի Հանրապետության դեմ սանձազերծված պատերազմի եւ, դրանով պայմանավորված, նույն օրը ՀՀ-ում եւ Արցախի Հանրապետությունում հայտարարված ռազմական դրության պայմաններում 2020 թվականի նոյեմբերի 10-ին պատերազմը դադարեցնելու եւ Արցախի Հանրապետության վերահսկողության ներքո գտնվող մի շարք տարածքներ Արդրեջանի Հանրապետության վերահսկողությանը հանձնելու մասին Հայաստանի Հանրապետության, Ռուսաստանի Դաշնության եւ Արդրեջանի Հանրապետության միջև ձեռք բերված համաձայնության վերաբերյալ հայտարարությունը զանգվածային լրատվամիջոցներում հրապարակվելուց հետո, համացանցի միջոցով տեղեկանալով, որ մայրաքաղաք Երեւանում գտնվող ՀՀ կառավարության շենքի մոտ ամբոխ է հավաքել, եւ կատարվում են զանգվածային անկարգություններ, գնացել է նշված վայր է միացել զանգվածային անկարգությունների մասնակիցներին: Գործը քննելու է դատավոր Արամայիս Ասատրյանը:

Երեկ կառավարության նիստի ժամանակ, վարչապետ Նիկոլ Փաշինյանն անդրադարձել է սարածաբանային իրավիճակին, մասնավորապես՝ Լեռնային Ղարաբաղը Հայաստանին կողող Լաչինի միջանցում Արդրեջանի կողմից ադորինի կերպով հսկիչ անցագրային կետի սեղադրմանը: Այդ համատեքստում նա խոսել է նաեւ Լեռնային Ղարաբաղում եւ Լաչինի միջանցում ավելի լայն միջազգային ներկայության անհրաժեշտության մասին: «Արդրեջանը Եւրոմիջավայրում այս անգամ ադորինի կերպով հսկիչ անցագրային կետ սեղադրելով Լեռնային Ղարաբաղը Հայաստանին կողող Լաչինի միջանցում»:

Ու եթե մինչեւ հիմա Լաչինի միջանցքը փակ էր կեղծ բնապահպանական ակցիայի պատրվակով, հիմա արդեն պաշտոնապես փակվել է Արդրեջանի կողմից: Սա ոչ միայն տարածաշրջանում լարվածությունը մեծացնելու, այլեւ Լեռնային Ղարաբաղում հաստատված հումանիտար ճգնաժամը խորացնելու նույնիսկ սարկոլից քայլ է», - նշել է նա: Փաշինյանը նշել է, որ միջազգային հանրությունն այս անգամ հստակ գնահատական է տվել արդրեջանական հսկիչ անցագրային կետի տեղադրմանը Լաչինի միջանցքում: «Այդ նպատակը Լեռնային Ղարաբաղի հայության էթնիկ գոտում եւ ցեղասպանություն իրականացնելն է, եւ հենց սա պետք է լինի մեր բոլորիս, միջազգային հանրության ու շարժողության առարկան: Հաջորդ հարցը, որ Լաչինի միջանցքում հսկիչ անցագրային կետ տեղադրելով ավելի է սրվում, հետեւյալն է. որքանո՞վ է Արդրեջանի իրեն պարտավորված զգում կատարել իր միջազգայնորեն ստանձնած պարտավորությունները: Լաչինի միջանցքում հսկիչ անցագրային կետի տեղադրումը 2020 թվականի նոյեմբերի 9-ի եռակողմ հայտարարության 6-րդ կետի կոպտագույն խախտում է: Առիթ ունեցել եմ ասելու, որ 2020 թվականի նոյեմբերի 9-ից ի վեր՝ Արդրեջանը խախտել է եռակողմ հայտարարության, ըստ էության, բոլոր կետերը: Այս ամենի արձանագրումը, սակայն, պետք է բերի կոնկրետ եզրակացությունների, եւ ուզում եմ ներկայացնել նաեւ մեր պատկերացում»:



ներն իրադրության ընդհանուր կարգավորման վերաբերյալ», - նշել է նա: Փաշինյանի խոսքով՝ Ռուսաստանի Դաշնության խաղաղապահ զորախումբը պետք է վերահսկողության տակ պահի Լաչինի միջանցքը եւ այսպիսով ապահովի միջանցքի բնականոն գործունեությունը: Այսինքն՝ բացի Ռուսաստանի Դաշնությունից, որտեղ մեկը Լաչինի միջանցքում վերահսկողություն չպետք է իրականացնի: Արդրեջանն էլ չպետք է խոչընդոտի միջանցքով ազատ երթևեկությունը: Սա ճշգրիտ այն է, ինչ նախատեսված է 2020 թվականի նոյեմբերի 9-ի եռակողմ հայտարարությամբ: «Լեռնային Ղարաբաղի հայության իրավունքներն ու անվտանգությունը պետք է դառնա Ստեփանավան»:

կերտի եւ Բաքվի միջև բանակցությունների առարկա միջազգային ֆորմատի շրջանակներում: Ինչ վերաբերում է Հայաստանի եւ Արդրեջանի միջև հնարավոր խաղաղության պայմանագրին, ակնհայտ է, որ այն պետք է ունենա իրագործման երաշխիքների եւ վեճերի լուծման մեխանիզմների հասկանալի եւ գործունե համակարգ: Հստակ պետք է արձանագրված լինեն սահմանների դեֆինիտացիայի պարամետրերը, եւ որտեղ է նկատվում բացառելու հստակ մեխանիզմներ պետք է ներդրվեն»: Նա նշել է, որ, որպես առաջին քայլ, անհրաժեշտ է Լաչինի միջանցք եւ Լեռնային Ղարաբաղ միջազգային փաստազանգված հրատապ առաքելության գործուղումը: **ՆԱԻՐԱ ՀՈՎՀԱՆՆԻՍՅԱՆ**

ԼՈՒՐԵՐ ԶԱՆԱՐՈՎԱՆ՝ ԱՐՑԱՆԻ ՄԱՍԻՆ

«Մենք սկզբունքորեն կարելի էր ենք համարում, որ պաշտոնական Երեւանը իր ներդրումն ունենա փոխադարձ ընդունելի լուծումների որոնման հարցում», - ամենշաբաթյա ճեպագրույցում ասել է ՌԴ ԱԳՆ պաշտոնական ներկայացուցիչ Մարիա Զախարովան՝ մեկնաբանելով անցակետի տեղակայումը: «Ռուսաստանը հստակ արտահայտել է իր դիրքորոշումը ԱԳՆ-ի այս տարվա ապրիլի 24-ի հայտարարության մեջ: Ներկայումս ինչպես տեղում ռուսական խաղապահ կոնտինգենտի միջոցով, այնպես էլ քաղաքական մակարդակով անհրաժեշտ ջանքեր են գործադրվում Լաչինի միջանցքի շուրջ ստեղծված իրավիճակը կարգավորելու եւ 2020 թվականի նոյեմբերի 9-ի եռակողմ համաձայնություններին վերադառնալու համար», - հայտարարել է Զախարովան:

Հիշեցնենք, որ Բաքուն անցակետ է տեղադրել Լաչինի միջանցքում՝ Հայաստանը Լեռնային Ղարաբաղի հետ կապող միակ ճանապարհի վրա:

ԳՈՐԾՈՒՂՈՒՄ

Աժ նախագահ Ալեն Սիմոնյանի որոշմամբ՝ ՔՊ խմբակցության պատգամավոր Ալեքսեյ Սանդիկովը մայիսի 7-10-ը կգործուղվի Մոսկվա: ArmLur.am-ը տեղեկացավ, որ ՔՊ-ական պատգամավորը Մոսկվայում կմասնակցի ՌԴ Դժ եւ Պետական դոմայի պատգամավորների հետ վեճերի հանդիպմանը, ինչպես նաեւ Հաղթանակի օրվան նվիրված տոնակատարություններին պատգամավորի գործուղման հետ կապված օրապահիկի եւ ճանապարհածախսի վճարումը կկատարվի ՀՀ պետական բյուջեով Ազգային ժողովին այդ նպատակի համար հատկացված միջոցների հաշվին: Պատգամավորի գործուղման հետ կապված գիշերավարձի վճարումը կատարում է հրավիրող կողմը:

ՀԱՆԴԻՊՈՒՄ ՀԱՅԱՍՏԱՆՈՒՄ

Վարչապետ Նիկոլ Փաշինյանը երեկ ընդունել է Ֆրանսահայերի խորհրդի նախագահ, «Գրանթ Թորնթոն Հայաստան» ընկերության պատվավոր նախագահ Դանիել Զյուրբեջյանին: Նա նշել է, որ Ֆրանսահայերի խորհուրդը պատրաստ է սատար լինել Հայաստանի Հանրապետության կառավարությանը եւ ներգրավվել Հայաստանի զարգացման, համազգային օրակարգի կյանքի կոչման, ժողովրդավարական բարեփոխումների իրականացման գործում: Զրուցակիցները մտքեր են փոխանակել համագործակցության հարցերի շուրջ: Այս առումով ՀՀ վարչապետը կարող է Սփյուռքի գործերի գլխավոր հանձնակատարի գրասենյակի հետ ակտիվ աշխատանքը:

ԱՐԱՐԱՏԻ ՄԱՐԶ

ՆԵՏՎԵԼ Է ՄԻՋԱՆՑՔԻ ԼՈՒՄԱՄՈՒՏԻՑ ԵՎ ՄԱՐԱՑԵԼ

2023թ. ապրիլի 27-ին մեղադրյալը ցատկել է ՀՀ ֆինչական կոմիտեի Մարաշի մարզային ֆինչական վարչության երրորդ հարկի միջանցքի լուսամտից և մահացել:



ՀՀ քրեական օրենսգրքի 396-րդ հոդվածի 1-ին մասի եւ 393-րդ հոդվածի 1-ին մասի հատկանիշներով նախաձեռնված քրեական վարույթի շրջանակներում Արտաշատ համայնքի Հովտաշեն բնակավայրի բնակիչ Միսակ Պողոսյանին 2022 թվականի սեպտեմբերի 30-ին ՀՀ քրեական օրենսգրքի 404-րդ հոդվածի 2-րդ մասի 2-րդ կետով եւ 393-րդ հոդվածի 3-րդ մասի 2-րդ կետով ներկայացվել է մեղադրանք՝ առանձնապես խոշոր չափերով շրջանառությունն արգելված թմրամիջոցներ պարունակող բույսեր, մասնավորապես՝ շուրջ 200 «Կանեփ» տեսակի բույս աճեցնելու, ինչպես նաեւ իրացման նպատակով առանձնապես խոշոր չափերով՝ ընդհանուր շուրջ 277 գրամ քաշով մի քանի տասնյակ փաթեթներով «Մարիխուանա» տեսակի թմրամիջոցի շրջանառության համար:

Նրա նկատմամբ որպես խափանման միջոց է ընտրված եղել բացակայելու արգելք: Ավելի ուշ օպերատիվ նոր տվյալների իրացման արդյունքում նրա ավտոմեքենայի խուզարկությամբ հայտնաբերվել է տետրահիդրոկաննաբինոլ բուսական խառնուրդ տեսակի թմրամիջոց:

Նրա նկատմամբ դատարանի որոշմամբ որպես խափանման միջոց է կիրառվել կալանքը: Կալանքի երկամսյա ժամկետը լրանալուց հետո վարույթն իրականացնող մարմինը միջնորդություն է ներկայացրել դատարան՝ ժամկետը եւս երկու ամսով երկարացնելու վերաբերյալ, որը, սակայն, դատարանի որոշմամբ, մերժվել է, եւ անձի նկատմամբ որպես խափանման միջոց է ընտրվել բացակայելու արգելքը: Դրանից հետո պարզվել է, որ Մ. Պողոսյանը քննությանը դեռեւս չպարզված հանգամանքներում ապօրինի ձեռք է բերել «Մարիխուանա» տեսակի թմրամիջոց, որը հայտնաբերվել է վերցվել է 2023թ. ապրիլի 25-ին նրա անձնական խուզարկությամբ:

Քրեական վարույթով ձեռք բերված նոր տվյալների հիման վրա՝ դատախազի որոշմամբ՝ նրա նկատմամբ նոր հանրային քրեական հետապնդում է հարուցվել,

ինչից հետո մեղադրանք առաջադրելու եւ դատարան ներկայացնելու նպատակով քննիչի կողմից Ոստիկանությանը հանձնարարություն է տրվել՝ Մ. Պողոսյանին ներկայացնելու վարույթն իրականացնող մարմին: Ոստիկանության ծառայողները, ի կատարումն քննիչի հանձնարարության, 2023թ. ապրիլի 27-ին ՀՀ քննչական կոմիտեի Արարատի մարզային քննչական վարչություն են ուղևորվել Մ. Պողոսյանին: Վարչության երրորդ հարկում միջանցքում, ուղեկցող ոստիկանների հետ պաշտպանին սպասելու ընթացքում Մ. Պողոսյանը, նախնական տվյալներով, փախուստի դիմելու նպատակով հանկարծակի ցատկել է շենքի 3-րդ հարկի պատուհանի տակ գտնվող սեղանի վրա եւ պատուհանից ցած նետվել: Արդյունքում ստացած վնասվածքներից վերջինս մահացել է:

Դեպքի առթիվ Հայաստանի Հանրապետության քրեական օրենսգրքի 446-րդ հոդվածի 2-րդ մասի (պաշտոնական անփութությունը, որն անզուգուրությամբ առաջացրել է մարդու մահ) եւ 506-րդ հոդվածի 1-ին մասի (արգելանքի վերցված, ձերբակալված, կալանավորված կամ քրեակատարողական հիմնարկում պատիժ կրող անձի փախուստը կամ ազատությունից զրկելու հետ կապված պատիժը կրելուց խուսափելը) հատկանիշներով նախաձեռնվել է քրեական վարույթ:

Կատարվել է դեպքի վայրի, ինչպես նաեւ դիակի արտաքին գննություն, որի արդյունքում մարմնի վրա բռնության հետքեր չեն հայտնաբերվել:

Ձեռնարկվում են անհրաժեշտ բոլոր միջոցները՝ կատարվածի հանգամանքները պարզելու ուղղությամբ:

ԿԱԾԱՌԸ

ԿԱԼԱՆԱՎՈՐՎԵԼ Է ՀՐԱՄԱՆԱՏԱՐԻ ՏԵՂԱԿԱԼԸ

Ապրիլի 21-ին Հակակոռուպցիոն կոմիտեն հայտնել էր, որ ՀՀ ազգային անվտանգության ծառայությունից ստացված տվյալների հիման վրա՝ ՀՀ հակակոռուպցիոն կոմիտեում նախաձեռնված քրեական վարույթով պարզվել է, որ Կ. Ա.-ն, զբաղեցնելով ՀՀ պաշտպանության նախարարության N գորամասի տեխնիկական մասի պետ-հրամանատարի տեղակալի պաշտոնը, կաշառք տվող Ա. Գ.-ի մատնանշած անձի օգտին գործողություն կատարելու համար Ա. Գ.-ից ստացել է 605.000 ՀՀ դրամ կաշառք:

Մասնավորապես՝ քրեական վարույթով փաստական տվյալներ են ձեռք բերվել այն մասին, որ ՀՀ ՊՆ N գորամասի ժամկետային զինծառայողին նույն գորամասում վարորդի պաշտոնին նշանակելու հարցում աջակցելու համար վերջինիս ազգական Ա. Գ.-ն 2023 թվականի մարտին երկու միջնորդների միջոցով դիմել է հիշյալ գորամասի տեխնիկական մասի պետ-հրամանատարի տեղակալ Կ. Ա.-ին:

Վերջինս էլ, իր ծառայողական լիազորություններով պայմանավորված ազդեցությունն օգտագործելով զինծառայողի օգտին գործողություն կատարելու համար, 2023 թվականի մարտի 7-ին միջնորդներից մեկի միջոցով պահանջել է կաշառք եւ նույն օրը իր ենթակային՝ գորամասի ավտոմեքիլային ծառայության պետին, հանձնարարել է նշված զինծառայողին ընդգրկել վարորդի հաստիքին նշանակվող անձանց ցուցակում:

Միջնորդներից տեղեկանալով ՊՆ պաշտոնատար անձի պահանջած կաշառքի գումարի չափի մասին՝ զինծառայողի ազգական Ա. Գ.-ն 2023 թվականի մարտի 8-ին էջմիածին քաղաքում հանդիպել է Կ. Ա.-ին եւ որպես կաշառք նրան տվել ընդհանուր 605.000 ՀՀ դրամի համարժեք 100.000 ՌԴ ռուբլի եւ 90.000 ՀՀ դրամ: Դրանից հետո՝ 2023 թվականի մարտի 31-ին, հիշյալ զինծառայողը նշանակվել է նույն գորամասի ջոկի վարորդի պաշտոնին:

21.04.2023 թ.-ին ՊՆ պաշտոնատար անձ Կ. Ա.-ն, նրան կաշառք տված Ա. Գ.-ն եւ երկու միջնորդները ձերբակալվել են:

Նույն օրը Կ. Ա.-ին մեղադրանք է ներկայացվել ՀՀ քրեական օրենսգրքի 435-րդ հոդվածի 2-րդ մասի 2-րդ կետով, Ա. Գ.-ին՝ 436-րդ հոդվածի 2-րդ մասի 2-րդ կետով, իսկ միջնորդներին՝ 437-րդ հոդվածի 2-րդ մասի 2-րդ կետով:

ՀՀ հակակոռուպցիոն կոմիտեի քննիչի կողմից միջնորդություն է ներկայացվել դատարան՝ Կ. Ա.-ի, Ա. Գ.-ի եւ միջնորդներից մեկի նկատմամբ կալանքը որպես խափանման միջոց կիրառելու համար, ինչը բավարարվել է, եւ նրանք կալանավորվել են:

Նախաքննությունը շարունակվում է:

ԼՈՒՐԵՐ

ՄԱՐԱՑԵԼ Է ԱՄԵՆԱԾԵՐ ՆԱՑԻՍՏԸ

102 տարեկանում մահացել է Զաքսեն-հաուզեն նացիստական համակենտրոնացման ճամբարի նախկին պահապան Յոզեֆ Շյուտցը:

2022թ. հունիսին դատարանը Զաքսեն-հաուզեն համակենտրոնացման ճամբարում ավելի քան 3 500 բանտարկյալների սպանությանը հանցակից լինելու համար հինգ տարվա ազատազրկման էր դատապարտել նրան, բայց Շյուտցը բողոքարկել էր դատարանի որոշումը: Ինչպես նշել է ամսագիրը, որոշում չի կայացվել, այդ պատճառով դատավճիռն օրինական ուժ չի ստացել:

Դատավարության ժամանակ մեղադրյալը համառորեն հերքում էր, որ աշխատել է համակենտրոնացման ճամբարում, եւ պնդում էր, որ գյուղատնտեսական աշխատող է եղել, բայց դատարանն այդ հայտարարությունը համարել է ոչ հավաստի՝ բազմաթիվ փաստաթղթերի հիման վրա, որոնք պարունակում էին անձնական տվյալներ մեղադրյալի մասին: Դրանք մատնանշում էին, որ նա աշխատել է որպես էւէս-ի պահապան համակենտրոնացման ճամբարում:

Շյուտցի պաշտպանի խոսքով՝ համակենտրոնացման ճամբարի վերակացուի գործունեությունը բավարար չէ նացիստների հանցագործություններին նպաստելու գործում դատապարտվելու համար: Ընդգծվել է, որ դատաքննության ժամանակ չի ապացուցվել, որ մեղադրյալը «բանտարկյալների կոնկրետ սպանություններ է կատարել»:

ՀԱՅՏՆԱԲԵՐՎԵԼ Է ԱՊՕՐԻՆԻ ԶԵՆՔ

Ոստիկանության Վաղարշապատի բաժնի համայնքային ոստիկանները ապրիլի 26-ին իրականացրած ուժեղացված ծառայության ընթացքում, ապօրինի զենք-զինամթերք պահելու կասկածանքով, էջմիածին-Մարգարա ճանապարհից բաժնի են տեղափոխել 26 եւ 35 տարեկան երկու երիտասարդների՝ 26 տարեկանի վարած «Մերսեդես»-ով հանդերձ: Ոստիկանությունից հայտնում են, որ բաժնում 35-ամյա երիտասարդը հայտնել է, որ մեքենայի սրահում առանց թույլտվության գազային ատրճանակ կա, որն իրենն է: «Մերսեդեսը» տեղափոխվել է բաժնի հատուկ պահպանվող տարածք: Կազմված փաստաթղթերն ուղարկվել են Վաղարշապատի քննչական բաժնի:

● Ըստ ոստիկանության տվյալների՝ ապրիլի 26-ից 27-ը Հայաստանի Հանրապետությունում բացահայտել են հանցագործության 56 դեպք, որոնցից 4-ը՝ նախկինում կատարված:

ՍՈՑԻԱԼԱԿԱՆ

ՀԱՅՏԱՐԱՐՈՒԹՅՈՒՆ

ԿՐԿՆԱՃՈՒՐԳԻ ԿԱԶՄԱԿԵՐՊՄԱՆ ԵՎ ԱՆՑԿԱՑՄԱՆ ՄԱՍԻՆ



2023թ. մայիսի 26-ին՝ ժամը 13:00-ին, «Նոյան Տապան» ՍՊԸ սնանկության գործով կառավարիչ Ա. Էլոյանի կողմից ք. Երեւան, Արշակունյաց 5, սենյակ 311 հասցեում կանցկացվի «Յունիբանկ» ԲԲԸ-ում գրավադրված եւ սեփականության իրավունքով երրորդ անձանց պատկանող անշարժ գույքի աճուրդ՝ 1 ԼՈՏ-ով, բաց դասական եղանակով:

Գույքն իրենից ներկայացնում է՝ ԼՈՏ-4. 33 ք. 3րճադղան, Արտադրական գոտի, Գործարանային փող., թիվ 4 հասցեում գտնվող 166.08 քմ մակերեսով արտադրական բազա, 575.13 քմ մակերեսով օժանդակ շինություններ եւ 6860 քմ մակերեսով արդյունաբերական օբյեկտների համար նախատեսված հողամաս:

Մեկնարկային գինը սահմանվում է 387,239 33 դրամ:

Հողամասի կադաստրային արժեքը վճարված չէ, այն կազմում է 8,520,120 33 դրամ եւ ներառված չէ գույքի շուկայական արժեքի մեջ:

Աճուրդին մասնակցելու համար պետք է ներկայացվեն՝

- ֆիզիկական անձի դեպքում՝ անձնագրի պատճենը, իսկ իրավաբանական անձի եւ Ա/Զ-ի դեպքում՝ պետական գրանցումը հավաստող փաստաթղթերի պատճենը,
- աճուրդի ներկայացված լոտի մեկնարկային գնի 1%-ի չափով մասնակցության վճարի վճարումը հավաստող փաստաթղթի պատճենը,
- աճուրդի ներկայացված լոտի մեկնարկային գնի 5%-ի չափով նախավճարի վճարումը հավաստող փաստաթղթի պատճենը:

Աճուրդի նախավճարը վճարվում է կանխիկ կամ փոխանցումով «Նոյան Տապան» ՍՊԸ-ի սնանկության հաշվին՝ «Արդշինբանկ» ՓԲԸ-ի «Էրեբունի» մասնաճյուղ՝ 2472302180490020 հաշվեհամարին, մինչեւ հայտ ներկայացնելու պահը:

Աճուրդին մասնակցել ցանկացողները սույն հայտարարությունից հետո՝ ընդհուպ մինչեւ աճուրդին նախորդող օրվա ժամը 16:00-ն, կարող են հայտ ներկայացնել 33 սնանկության դատարան /ք.Երեւան, Օտյան 53/2/:

Աճուրդն անցկացվում է դասական եղանակով, հաղթող է համարվում առավել բարձր գին առաջարկած մասնակիցը:

Ցանկացողները կարող են լոտն ուսումնասիրել, ինչպես նաեւ աճուրդի կանոնակարգին ծանոթանալ՝ դիմելով կառավարիչ՝ Ա. Էլոյանին /094 411 487/:

«Ամերիաբանկ» ՓԲԸ

ՄԱՆԿԱՊԱՏՄԱՆ ԵՎ ԶԱՄԲԱՐ ՀԱՅԱՍՏԱՆՈՒՄ

Միլանի ակադեմիայի մանկապատանեկան ճամբարը գալիս է Հայաստան ու բացում իր դռները Հայաստանի մարզերի շուրջ 160 դասանո առջեւ՝ հնարավորություն ընձեռելով մարզվելու աշխարհի ֆուտբոլային լավագույն մարզիչների հետ՝ Կրատիո Չուլայի գլխավորությամբ:

Միլանի մարզիչներին եւ միջազգային ճամբարը Հայաստան բերելու «Ամերիաբանկ»-ի այս նախաձեռնության շուրջ համախմբվել են Team Telecom Armenia-ն, «Տաշիր» ընկերությունների խումբը եւ «Զանգեզուրի պղնձամուլիբդենային կոմբինատը»: Ճամբարը կանցկացվի «Այսօր խիտնք վաղվա գոլը միասին» կարգախոսի ներքո:

Ճամբարը Հայաստանի մարզերի 11-15 տարեկան այն տղաների ու աղջիկների համար է, որոնք մասնակցել են Հայաստանի առաջնություններին, խաղում են մարզերի ֆուտբոլային ակումբներում եւ առանձնանում են իրենց խաղով:

A World Soccer Poll-ի կողմից բոլոր ժամանակների լավագույն ակումբը ճանաչված AC Milan-ի պաշտոնական ճամբարները ամեն տարի հունիս, հուլիս եւ օգոստոս ամիսներին ընդունում են հազարավոր պատանիների Իտալիայից, ԱՄՆ-ից, Կանադայից, Մեծ Բրիտանիայից, Գերմանիայից, Չինաստանից, Ճապոնիայից եւ տասնյակ այլ երկրներից:

Հայաստանում առաջին անգամ կայանալիք ճամբարը տեղի կունենա ֆուտբոլի ակադեմիայում երկու հերթափոխով՝ մայիսի 28-ից հունիսի 1-ը եւ հունիսի 3-ից հունիսի 7-ը:

«Ամերիաբանկ» ՓԲԸ

«Ամերիաբանկ»-ը ֆինանսական եւ տեխնոլոգիական առաջատար հաստատություն է, 33 տնտեսական ոլորտի նշանակալի դերակատարներից մեկը, որի ակտիվները գերազանցում են 1 տրիլիոն 33 դրամը: Ընթանալով թվայնացման ճանապարհով՝ բանկը ներդրել է մի շարք նորարար ծրագրեր ու հարթակներ եւ շարունակում է կատարելագործել դրանք՝ ձեռավորելով մարդու տարատեսակ կարիքների բավարարմանն ուղղված, դինամիկ զարգացող ֆինանսատեխնոլոգիական միջավայր:

Team Telecom Armenia
Team Telecom Armenia-ն Հայաստանում հեռահաղորդակցության ոլորտում գործող ընկերություն է, որը տրամադրում է բջջային ու ֆիքսված հեռախոսակապի եւ ինտերնետի, ինչպես նաեւ թվային հեռուստատեսության ծառայություններ:

ՀԱՅՏԱՐԱՐՈՒԹՅՈՒՆ

ԿՐԿՆԱՃՈՒՐԳԻ ԿԱԶՄԱԿԵՐՊՄԱՆ ԵՎ ԱՆՑԿԱՑՄԱՆ ՄԱՍԻՆ

2023թ. մայիսի 26-ին՝ ժամը 12:30-ին, դասադան Վարդան Ավետիսյանի սնանկության գործով կառավարիչ Ա. Էլոյանի կողմից ք. Երեւան, Արշակունյաց 5, սենյակ 311 հասցեում կանցկացվի սեփականության իրավունքով Վարդան Ավետիսյանին դասկանող անշարժ գույքի աճուրդ՝ 1 ԼՈՏ-ով, բաց դասական եղանակով: Գույքն իրենից ներկայացնում է՝

ԼՈՏ-1. 33 Արարատի մարզ, ք. Մասիսում գտնվող ավտոտնակը:

Մեկնարկային գինը սահմանվում է 1,044,688 33 դրամ:

MILAN ACADEMY JUNIOR CAMP
ԴԱՅՏԱՏԱՆԻ ՄԱՐԶԵՐԻ 160 ԴԱՏԱՆԻ ԴՅԱՆՆԵՐԻ ԴՅԱՐԳՆԵՐԻ ՀԵՏ
MILAN ACADEMY JUNIOR CAMP
28.05-07.06
AMERIABANK team: TELECOM ARMENIA TASHIR Zoro KOGHB A2

MILAN ACADEMY JUNIOR CAMP
ԱՅՍՕՐ ԽՓԵՆՔ ՎԱՂՎԱ ԳՈՐԸ ՄԻԱՍԻՆ
MILAN ACADEMY JUNIOR CAMP
AMERIABANK TASHIR Zoro team: TELECOM ARMENIA KOGHB A2

ճող ընկերություն է, որը տրամադրում է բջջային ու ֆիքսված հեռախոսակապի եւ ինտերնետի, ինչպես նաեւ թվային հեռուստատեսության ծառայություններ:

Հանդիսանալով Հայաստանում հեռահաղորդակցության առաջին համակարգի ժամանագործը՝ Team-ը ժամանակակից տեխնոլոգիաների հետ է համադրում առաջին կապի օպերատորի հարուստ փորձը:

«Զանգեզուրի պղնձամուլիբդենային կոմբինատ»

Զանգեզուրի պղնձամուլիբդենային կոմբինատը հիմնադրվել է 1952 թվականին: Այն Հայաստանի խոշոր գործատուներից է եւ թիվ մեկ հարկատուն: Միայն

անցած տարի ԶՊՄԿ-ն պետություն է վճարել շուրջ 144 միլիարդ դրամ: ԶՊՄԿ-ն աշխարհում մոլիբդեն արտադրող 10 խոշորագույն ընկերություններից մեկն է:

«Տաշիր» ընկերությունների խումբ

«Տաշիր»-ը դիվերսիֆիկացված արդյունաբերական եւ շինարարական ընկերությունների խումբ է, որի մեջ ներառված է տնտեսություն տարբեր ոլորտներում գործունեություն ծավալող շուրջ 200 ընկերություն: Ընկերությունների խմբի հիմնական ուղղվածությունն է շինարարությունը եւ անշարժ գույքի կառավարումը: Խումբը ներկայություն ունի 33 եւ ՌԴ մի շարք քաղաքներում:

«Պոլովորդ» օրաթերթում եւ Armlur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

ԿԱՐԾԻՔ

ԿՆՔՎԵԼ Է ԶՈՒՇԱԳԻՐ

ԿՆԵՐԴՐՎԻ ՖՐԱՆՍԵՐԵՆ ԼԵԶՎԻ ՕԳՆԱԿԱՆՆԵՐԻ ԾՐԱԳԻՐ

Կրթության, գիտության, մշակույթի և սպորտի նախարար Ժաննա Անդրեասյանը և ՀՀ-ում Ֆրանսիայի Հանրապետության արտակարգ և լիազոր դեսպան Անն Լույոնը ստորագրել են Հայաստանում ֆրանսերեն լեզվի օգնականների ծրագրի իրականացման համաձայնագիր ու ՀՀ ավագ դպրոցներում ֆրանսերենի խորացված ուսուցում և լրացուցիչ ֆրանկոֆոն ծրագիր իրականացնելու վերաբերյալ կրթական համագործակցության հուշագիր:



ՀՀ ԿԳՄՍՆ հասարակայնության հետ կապերի և տեղեկատվություն վարչությունից Ar2Lur.am-ին հայտնեցին, որ հանդիպմանը ներկա էր նաև ԿԳՄՍ նախարարի տեղակալ Արթուր Մարտիրոսյանը: Ողջունելով դեսպանին՝ Ժաննա Անդրեասյանը նշել է, որ հանդիպումը լավ առիթ է՝ հայ-ֆրանսիական առանձնահատուկ հարաբերությունները եւս մեկ անգամ ընդգծելու և համագործակցության լայն շրջանակում մատնանշելու համատեղ անելիքները:

Ժական արժեհամակարգ, որը նպաստելու է երկու երկրների միջև հարաբերությունների առավել խորացմանը,- նշել է ԿԳՄՍ նախարարը:

«Շատ ուրախ եմ, որ այսօր մեր համագործակցությունն ամրապնդում ենք երկու նոր նախաձեռնությամբ: Կարելի էր, որ այս նախաձեռնությունները խթանելու և դպրոցներում ֆրանսերեն խորացված ուսուցում ու ֆրանկոֆոն լրացուցիչ ծրագրի ներդրումն ու իրականացումը: Ներկայում մենք հանրակրթության ոլորտում իրականացնում ենք մի շարք բարեփոխումներ, և օտար լեզուների իմացության բարելավումը մեր բարեփոխումների առանցքային ուղղություններից է: Ուզում եմ շնորհակալություն հայտնել Ֆրանսիայի կառավարությանը կրթական ծրագրերին շարունակական աջակցություն ցուցաբերելու համար: Լիահույս եմ այս նոր ծրագրերը կամրապնդեն դպրոցներում ֆրանսերենի իմացությունը, որը ոչ միայն լեզվի իմացություն է, այլև քաղաքակր-

թական մայրենի լեզու կրողների հետ է այդպիսով բարելավելու ֆրանսերենի իմացության մակարդակը: ՀՀ-ում Ֆրանսիայի Հանրապետության արտակարգ և լիազոր դեսպան Անն Լույոն իր հերթին պատրաստակամություն է հայտնել աջակցելու ՀՀ հանրակրթական ուսումնական հաստատություններում ֆրանսերենի ուսուցման խորացման և ներկայացված ծրագրերի ընդլայնման, ինչպես նաև համագործակցության շարունակման նախաձեռնություններին: Հանդիպման ընթացքում քննարկվել են նաև ՀՀ դպրոցներում ֆրանսերենի ուսուցման զարգացման հնարավորություններին առնչվող հարցեր:

Լիոյ Երիզուրցս

ՊԱՐԳԵՎԱՏՐՈՒՄ

1-ԻՆ ԿԱՐԳԻ ԳԻՊԼՈՄՆԵՐ

ՀՀ ԿԳՄՍ-ից ArmLur.am-ին հայտնեցին, որ ՀՀ ԿԳՄՍ նախարարի տեղակալ Արաքսիա Սվաջյանն ապրիլի 26-ին 1-ին կարգի դիպլոմներով և դարձնաբերել 2022-2023 ուսարվա դպրոցականների հանրապետական առարկայական օլիմպիադաների հաղթողներին:



Այս տարի հանրապետական առարկայական օլիմպիադաներին 1582 դպրոցական է մասնակցել: Նրանցից 68-ը ստացել է առաջին, 137-ը՝ երկրորդ, 180-ը՝ երրորդ կարգի դիպլոմներ, իսկ 246-ը՝ գովասանագրեր: Հանրապետական առարկայական օլիմպիադաներն անցկացվել են 16 առարկայից: ԿԳՄՍ նախարարի տեղակալ Արաքսիա Սվաջյանը, շնորհավորելով աշակերտներին, ուսուցիչներին և նրանց ծնողներին, հույս է հայտնել, որ նրանց հաջողությունները շարունակական կլինեն: «Վստահ եմ սրանք ամենափոքր հաջողություններն են, որ դուք գրանցել եք և դեռ գրանցելու եք ձեր ուսումնառության և հետագա, ինչու ոչ, աշխատանքային գործունեության ընթացքում: Շնորհակալություն եմ հայտնում ձեր ուսուցիչներին, քանի որ

նաև իրենց ջանքերով է պայմանավորված այս արդյունքը»: ԿԳՄՍ նախարարի տեղակալ Արաքսիա Սվաջյանի խոսքով՝ գործընթացում ներգրավված ցանկացած մասնակցի ներդրումը շատ կարևոր է արդյունքների ապահովման տեսանկյունից: Այս համատեքստում Արաքսիա

Սվաջյան իր ցավակցությունն է հայտնել ֆիզիկայի հանձնաժողովի նախագահ Գագիկ Գրիգորյանի անժամանակ մահվան կապակցությամբ՝ վստահություն հայտնելով, որ անվանի գիտնականի աշակերտները կշարունակեն նրա գործը և հիշատակը վառ կպահեն:

ՀԱՅՏԱՐԱՐՈՒԹՅՈՒՆ

ՀՐԱՊՈՐՏԱԿԱՆ ԾԱՆՈՒՑՈՒՄ «Բի Էս Թի» ՍՊԸ-ն (այսուհետ՝ Կազմակերպիչ) «ԵՐԵՎԱՆԻ ԱՊՐԱՆՔԱՅԻՆ ԲՈՐՍԱ» ՍՊԸ-ի հարթակում:

1. Իրականացնելու է բաց աճուրդ համապատասխան փուլերով՝ «դասական» (գլխ բարձրացմամբ), այսուհետև՝ «հյուսիսային» (գլխ նվազեցմամբ) եղանակներով: Աճուրդի ընթացքում վաճառվելու են «Արդշինբանկ» ՓԲԸ-ին (այսուհետ՝ բանկ) գրավի իրավունքով պատկանող հետևյալ լոտերը. - ք. Երեւան, Նոր-Նորք, Մոլորվական փողոց, 46/2 շենք, 18 հասցեում գտնվող 85,8 ք.մ. բնակարան: Լոտի մեկնարկային գինը՝ 34930000 ՀՀ դրամ: - ք. Երեւան, Նոր-Նորք, համայնք Սեւան ք., Նալբանդյան փողոց, 24 շենք, 14 հասցեում գտնվող 49,71 ք.մ. բնակարան: Լոտի մեկնարկային գինը՝ 6700000 ՀՀ դրամ: - Լոռու մարզ, համայնք Վանաձոր ք., Գ. Մոզեհի փողոց, 3-րդ նրբանցք, 1 հասցեում գտնվող 211,8 ք.մ. բնակելի տուն, 21,8 ք.մ. ավտոտնակ, 15,6 ք.մ. ծածկ, 14,5 ք.մ. /37,7 խ.մ./ պարիսպ և 0,0551 հա հողամաս: Լոտի մեկնարկային գինը՝ 60300000 ՀՀ դրամ:

Աճուրդի փուլերը՝ ք. Երեւան, Սայաթ-Նովա պողոտա, 40 շենք, թիվ 82/31 հասցեում՝ 15.05.2023թ.-ին, ժ. 12:00-ին դասական եղանակով, այսուհետև՝ յուրաքանչյուր աշխատանքային օր, նույն վայրում, նույն ժամին՝ հոլանդական եղանակով: Աճուրդի ավարտը՝ 15.06.2023թ.-ին:

2. Շարունակելու է «Արդշինբանկ» ՓԲԸ-ին (այսուհետ՝ բանկ) գրավի իրավունքով պատկանող հետևյալ լոտի բաց աճուրդը.

- ք. Երեւան, Աջափնյակ, Մ. Մազմանյան փողոց, 18 շենք, 2 հասցեում գտնվող 75,2 ք.մ. բնակարան: Լոտի մեկնարկային գինը՝ 12587649 ՀՀ դրամ:

Աճուրդի փուլերը՝ հոլանդական եղանակով՝ ք. Երեւան, Սայաթ-Նովա պողոտա, 40 շենք, 82/31 հասցեում՝ 15.05.2023թ.-ին, ժ. 12:00-ին, այսուհետև՝ յուրաքանչյուր աշխատանքային օր, նույն վայրում, նույն ժամին: Աճուրդի ավարտը՝ 15.06.2023թ.-ին:

Լոտերի նկատմամբ սահմանափակումները՝ գույքերը գրավադրված են:

Աճուրդի մասնակցության նախավճարը սահմանված է համապատասխան գույքի ընթացիկ մեկնարկային գնի 1%-ի չափով, որի վճարման վերջնաժամկետը սահմանված է յուրաքանչյուր աճուրդի փուլի օրվան նախորդող աշխատանքային օրվա ժամը 16:00-ն: Նախավճարը վճարվում է «Բի Էս Թի» ՍՊԸ-ի դրամարկղում աճուրդի կայացման հասցեում, ՀՀ օրենսդրության սահմանված կանխիկի շեմը չգերազանցելու դեպքում, կամ բանկային հաշվին («Արդշինբանկ» ՓԲԸ-ում՝ 2470103374150000 հաշվառման համարով), կամ կազմակերպիչ կողմից տրված այլ հաշվառման համարով: Աճուրդի մասնակցելու համար անհրաժեշտ է ներկայացնել՝ ֆիզիկական անձանց համար անձը հաստատող փաստաթուղթ և Կազմակերպիչ կողմից տրված մասնակցի վկայական (այսուհետ՝ աճուրդի վկայական), որը հաստատելու է նաև նախավճարի մուծման փաստը, իսկ իրավաբանական անձանց համար՝ կանոնադրությունը, իրավաբանական անձանց պետական գրանցման վկայականը, պաշտոնատար անձի կամ ներկայացուցչի լիազորությունները հաստատող փաստաթուղթ և աճուրդի վկայական:

Աճուրդում հաղթող է ճանաչվում այն անձը, ով առաջարկել է ամենաբարձր գինը: Վերջին ամենաբարձր գնային հայտ ներկայացրած մասնակցից, աճուրդավարի մուրճիկի երրորդ հարվածից հետո, համարվում է աճուրդում հաղթած մասնակցից: Աճուրդին մասնակցած, սակայն չհաղթած անձի մուծած նախավճարը վերադարձվում է աճուրդի ավարտվելուց հետո մեկ աշխատանքային օրվա ընթացքում: Նախավճարը ենթակա է վերադարձման, եթե աճուրդը համարվում է չկայացած: Եթե աճուրդում հաղթող ճանաչված անձը իրաժադրվում է ստորագրել արձանագրությունը կամ առուվաճառի պայմանագիրը, ապա նա կորցնում է իր մուծած նախավճարը: Եթե Կազմակերպիչը իրաժադրվում է ստորագրել արձանագրությունը, ապա նա պարտավոր է աճուրդում հաղթող ճանաչված անձին վերադարձնել նախավճարը:

Նախքան աճուրդի ավարտն աճուրդային լոտի նկատմամբ բանկի գրավի կամ սեփականության իրավունքի դադարման հետեանքով աճուրդի մասնակցիցների կորուստների և վնասների համար բանկը որևէ պատասխանատվություն չի կրում:

Լոտերն ուսումնասիրելու ցանկություն հայտնած անձինք կարող են սույն ծանուցման օրվա հաջորդող օրվանից մինչև աճուրդի ավարտի նախորդող օրը, յուրաքանչյուր աշխատանքային օր, ժ. 10:00-ից մինչև 18:00-ն, այցելել վերը նշված հասցեներով և ծանուցանալ լոտերի հետ՝ այցելությունը նախապես համաձայնեցնելով Կազմակերպիչի և Բորսայի հետ: Հարկային գործակալ հանդիսանալու դեպքում աճուրդում հաղթած մասնակցի կողմից լոտի գնի վճարելու կարգը սահմանվում է վաճառողի հետ՝ փոխհամաձայնեցված ժամկետներում: Սույն ծանուցումը կարող է փոփոխվել մասնավոր հրապարակվելու միջոցով: Աճուրդների անցկացման կանոնակարգին կարող էք ծանոթանալ և անվճար ստանալ կանոնակարգի պատճենը, դիմելով Կազմակերպիչին՝ ք. Երեւան, Սայաթ-Նովա պողոտա, 40 շենք, թիվ 82/31 հասցե: Բորսայի այլ տեղեկությունների համար կարող էք զանգահարել (011) 56-45-13 հեռախոսահամարով կամ այցելել www.ilcbst.am, www.borsa.am կայքերը:

● Ապրիլի 29-ին Հ. Պարոնյանի անվան երաժշտական կոմեդիայի պետական թատրոնում տեղի կունենա «Սպիտակաձյունիկը և յոթ թզուկները» ներկայացումը: Տոմսերի արժեքը՝ 1000-3000 դրամ:



Էջը՝ ՈՂՋԱ ՊՈՂՈՍՅԱՆԻ

ԿԱՐԳ

ՀԱՐՑ. Ի՞նչ փաստաթղթեր են անհրաժեշտ օտարերկրյա քաղաքացիներին, որոնք կարողանան ՀՀ-ում որդեգրում իրականացնել:
Սիրան Հակոբյան (39 տարեկան)



ՊԱՏԱՍԽԱՆ.

Օտարերկրյա քաղաքացիները ՀՀ-ում Հայաստանի Հանրապետության քաղաքացի հանդիսացող երեխա որդեգրելու դեպքում անձամբ, իրենց լիազորած անձի, ինչպես նաև տվյալ պետությունում Հայաստանի Հանրապետության դիվանագիտական ներկայացուցչության կամ հյուպատոսական հաստատության միջոցով դիմում են որդեգրման կենտրոնական մարմին՝ ներկայացնելով՝

- 1) անձը հաստատող փաստաթուղթ,
- 2) բնակարանային պայմանների մասին տեղեկանք՝ տրված բնակության վայրից,
- 3) ընտանիքի կազմի մասին տեղեկանք՝ տրված բնակության վայրից,
- 4) զբաղեցրած պաշտոնի, աշխատավարձի եւ այլ եկամուտների մասին տեղեկանք,
- 5) անձի պատշաճ վարքագծի մասին անձնական երաշխավորություն՝ տրված կազմակերպության կամ առնվազն երեք անձանց կողմից,
- 6) բժշկական փաստաթուղթ այն մասին, որ երեխա որդեգրել ցանկացող անձը հիվանդ չէ ՀՀ կառավարության 2005 թվականի մայիսի 5-ի N 517-Ն որոշմամբ հաստատված ցանկում ներառված հիվանդություններից որեւէ մեկով,
- 7) ամուսնության վկայականի պատճենը (եթե ամուսնացած է),
- 8) երեխայի՝ ամուսիններից մեկի կողմից որդեգրման դեպքում մյուս ամուսնու գրավոր համաձայնությունը՝ բացառությամբ այն դեպքերի, երբ ամուսինները դադարեցրել են ամուսնական հարաբերությունները, մեկ տարվանից ավելի համատեղ չեն ապրում, եւ մյուս ամուսնու բնակության վայրն անհայտ է,
- 9) տեղեկանք՝ որդեգրման պահին մարդու դեմ ուղղված կամ հասարակական կարգի եւ բարոյականության դեմ ուղղված ծանր կամ առանձնապես ծանր հանցագործության համար դատվածություն չունենալու մասին:

ՀՀ աշխատանքի եւ սոցիալական հարցերի նախարարություն

«ԺՈՂՎՈՒՐԳ».

Եթե որդեգրել ցանկացող օտարերկրյա քաղաքացին ունի նախապես ընտրած որդեգրման ելքակետ երեխա, որի կապակցությամբ առկա է ծնողների գրավոր համաձայնությունը, ապա նա դրա մասին նշում է իր դիմումի մեջ: Եթե որդեգրել ցանկացող օտարերկրյա քաղաքացին համապատասխան փաստաթղթերը կենտրոնական մարմին է ներկայացրել լիազորված անձի միջոցով, ապա ներկայացվող փաստաթղթերի հետ պետք է ներկայացնի իր կողմից այդ անձին օրենքով սահմանված կարգով տրված լիազորագիրը:

ՏՆՏԵՍԱԿԱՆ

ՀԱՐՑ. Հեռախոսի իմանալ ինչ է նշանակում «լրացող» փոխարժեքի ֆազաբազմությունը:
Դիանա Գրիգորյան (30 տարեկան, տնտեսագետ)



ՊԱՏԱՍԽԱՆ.

Տեղեկացնում ենք, որ, համաձայն արժույթի միջազգային հիմնադրամի կողմից ամենամյա հրապարակվող «Արժույթային կարգավորումներ եւ արժույթային սահմանափակումներ» հաշվետվության մեջ տրված սահմանման, «Ազատ լրացող» փոխարժեքի քաղաքականությունը նշանակում է, որ փոխարժեքը որոշվում է շուկայում:

ՀՀ կենտրոնական բանկ

«ԺՈՂՎՈՒՐԳ».

ՀՀ ԿԲ կողմից արժույթային շուկայում ձեւավորված դրամի միջին փոխարժեքը հրապարակվում է որպես հաշվարկային միավոր ՀՀ ԿԲ-ի համար եւ, ըստ ցանկության, կարող է օգտագործվել ֆիզիկական եւ իրավաբանական անձանց կողմից:

ԼՈՒՐ ԿԱՐԴ

Լուսանկարն արվել է Երեւանում



Լուսանկարն արվել է Բոնքամարտի Հայաստանի հավաքականի գլխավոր մարզիչ Կարեն Աղամալյանը հրապարակել է կազմը, որը կմասնակցի աշխարհի առաջնությանը. հաղորդում է ՀԲՖ-ի մամուլի ծառայությունը:
Աշխարհի առաջնությունը կանցկացվի մայիսի 1-14-ը Ուզբեկստանի մայրաքաղաք Տաշքենտում:

ԲԱԺԱՆՈՐԴԱԳՐՈՒԹՅՈՒՆ

Մեր թերթը
Բաժանորդագրվելու
համար կարող եք դիմել



«Հայամուկ» ՓԲԸ
հեռ. 45-82-00, 45-19-11

«Հայփոստ» ՊԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-5301

Առաքումը՝ ԱՆՎՃԱՐ:

Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձանք ձեր բարձրացրած բոլոր խնդիրներին:

ԱՌԱՋԱՐԿ

հայկական տպագիր մամուլից

«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
Ազգանուն՝ _____
Առաքման հասցե՝ _____
Բջջային եւ/կամ քաղաքային հեռախոս՝ _____

Հեռ.՝ (060) 490049
0023, Արշակունյաց 2, 5-րդ հարկ, 518ս.

ԵՂԱՆԱԿԻ ՏԵՍՈՒԹՅՈՒՆ



☀	Շիրակ	+ 3 + 8 +12 + 16	☀	Արարատ	+ 9 + 12 +22 + 25
☀	Կոտայքի լեռներ	+ 3 + 6 +12 + 14	☀	Արմավիր	+ 8 + 10 +22 + 24
☀	Կոտայքի նախալեռներ	+ 8 + 10 +18 + 20	☀	Վայոց ձորի լեռներ	+ 3 + 6 +14 + 17
☀	Գեղարքունիք	+ 2 + 6 +12 + 17	☀	Վայոց ձորի նախալեռներ	+ 8 + 11 +18 + 22
☀	Լոռի	+ 4 + 8 +17 + 20	☀	Սյունիքի հովիտներ	+11 + 14 +25 + 30
☀	Տավուշ	+ 7 + 12 +20 + 24	☀	Սյունիքի նախալեռներ	+ 4 + 8 +20 + 26
☀	Արագածոտնի լեռներ	+ 3 + 7 +12 + 14	☀	Արցախ	+11 + 15 +27 + 32
☀	Արագածոտնի նախալեռներ	+ 8 + 11 +18 + 22	☀	Երեւան	+ 9 + 11 +21 + 23

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ
Հասցեն՝ ք. Երեւան, Աբովյան 22՝/3, հեռ՝ 010 54-64-23
Պետական գրանցման վկայականի համարը՝ 03Ա089086
տրված է 24.11.2010
Ստորագրված է տպագրության 27.04.2023

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆՂ» տպարան ՍՊԸ հրատարակչությունում խմբագրություն հանձնված նյութերը չեն գրայնաչափում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: